



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Hermannii Conringii De Antiquitatibus Academicis
Dissertationes**

Conring, Hermann

Helmestadii, 1674

Svpplementvm LXXIV. Ad pag. CXLVII.

urn:nbn:de:hbz:466:1-12929

etiam in eligendo judice à litigatore ut l.r. Cod. de off. Recr. prov. & t. 36. C. Theod. de appell. Pariter ut simili alternativæ seu optio- ni in Ecclesiasticis quoque negotiis quandoque locus fuit: referendi inquam de Fide, agendique vel apud Metropolitanum Provinciæ aut Exarchum diœcœsos; ut vel ex solemani Hieronymi ep. 6 i discimus, & ex canone 9 & 17 Concilij Chalcedonensis. Hæc Gothofre- dus. Est autem optio fori etiam hodie frequentissimi usus: quandocunque scilicet causa aliqua non est astricta uni foro ordinario sed ad multa fora pro libitu partium potest deferri.

SUPPLEMENTVM LXXIV.

Ad pag. CXLVII.

IN Dissertatione vocem Authenticæ *Dominum* accepimus de domino loci sive civili magistratu. Jam tum autem in Addendis pag. 194 annotavimus, haud vero absimile videri, *Dominum* hēc significare *magistrum*. Et verò Italis ea tem- pestate, quā constitutio illa Friderici Imperatoris prodiit, nār' ἐξοχῇ Scholaribus audiisse *Domini* voce *magistrum*, li- quet non ex iis duntaxat quæ in addendis attulimus sed er- iam ex plurimis aliis, atque adeo & ex Ottonis Murænæ illa narratione, quam adduximus Supplemento quinquagesimo primo.

Notandum præterea, non dici in Authenticâ *Magistros*, sed *Magistrum*; nec fieri mentionem Scholæ Rectoris. Utrum- que autem arbitror factum, quia tunc temporis nondum obtinebant collegia Professorum aut *Magistrorum*, sed sin- guli docebant & agebant res suas. Id quod Parisiis quo- que eo tempore factum, jam Dissertatione quarta docui- mus: nec obscure indicatur etiam illâ Murænæ narratione de Bononiensibus primis doctoribus. Non ergo isthac tem- pestate etiam Rector aliquis fuit Universitatis. Proindeque videtur Authenticæ accipienda de uno aliquo magistro sive

Aaa doctore

doctore, cuius judicio sese submittere potuit pro iubitu Scholaris, si quidem magistri plures reperirentur. Sic jam tum Guernerio vivente plures tales habuit Bononia; quem tamen potissimum fuit Guernerius, ut & is qui in defuncti locum successit: de qua proinde successione reliqui magistri Wernerum consuluerunt, Muræna teste.

Notandum porrò est etiam atque etiam Friderici hanc constitutionem pertinere ad Scholares jam tum in loco literarum studiis dicato viventes, de iis autem qui locum illum nondum attigerunt nihil esse constitutum. His igitur non competit illa fori optio: nec potuerunt illi vel ab Episcopo vel à magistro judicari. Unde manifestum est, illos mansisse jurisdictioni ordinariorum cuiuslibet loci magistratum obnoxios.

SUPPLEMENTVM LXXV.

Ad pag. CXLVII.

QUæ in Dissertatione habentur de tribus optivis Scholarium judicibus, ut & de Domino loci, illa jam retractavimus: ac proinde omnino mutanda sunt. Rectiora etiam paulo ante attulimus de eo, si Scholares sint adhuc in itinere: nempe tunc optionem fori admitti non posse, Authenticæ quidem hujus auctoritate. Est autem fortassis vero haud absimile, auctores hujus consilii, nempe de judicio scholiarum Episcopo & Magistris concedendo, fuisse illos qui tunc temporis Conventui publico intersuerunt Bononienses Legum professores, & hos spectasse illud quod Justinianus constituit *l. omnem c. de veteri jure enucleando*, ubi coercitio petulantium juvenum qui Berytivivebant studiorum Juris caussâ, ex parte committitur Episcopo & Legum Professoribus. Convenit porrò isthæc jurisdictione aliquatenus etiam Platonis Legibus, quas ille voluit in optimâ republicâ observari. Etenim *l. XII*

præ-